

ԺԱՄԱՆԱԿԻՆ ՀԱՄԱՔԱՅԼ ՍԵՊՏԵՄԲԵՐ

#29

ՍԵՊՏԵՄԲԵՐ 2017



Նորություններ



Հետազոտություններ



Միջոցառումներ



Ժամանակին Համաքայլ ամսագիրը պարունակում է տվյալ ամսում «Նոր Սերունդ» Մարդասիրական ՀԿ-ի կողմից իրականացված գործունեության համապարփակ նկարագիրը:



<http://ngngo.net/>



NEW GENERATION
HUMANITARIAN NGO



[ngngo.ARMENIA](https://www.instagram.com/ngngo.ARMENIA)



[ngngo.armenia](https://twitter.com/ngngo.armenia)



ՓՈՔՐ ԴՐԱՄԱՇՆՈՐՀ «ՀԱՆՈՒՆ ՀՁՈՐ ԱՊԱԳԱՅԻ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆԸ



«Նոր Սերունդ» Մարդասիրական ՀԿ-ն, իր նոր ռազամավարության շրջանակներում, շարունակում է աջակցել նորաստեղծ խմբերի և կառույցների հզորացմանը՝ ի նպաստ Հայաստանում **ԼԳՏԻԹ+** համայնքի:

Այս անգամ փոքր դրամաշնորդ տրամադրվեց «Հանուն Հզոր Ապագայի» հասարակական կազմակերպությանը, որը ուղղված է աջակցելու կազմակերպության կարողությունների զարգացմանը և **ԼԳՏԻԹ+** համայնքի տեսանելիության բարձրացմանը :

ԿՆԵՐԿԱՅԱՑՎԻ ՄԻԱՎ-ԻՆ ԱՌՆՉՎՈՂ ԾԱՌԱՅՈՒԹՅՈՒՆՆԵՐԻ ԳՆԱՀԱՏՄԱՆ ԱԶԳԱՅԻՆ ԶԵՎՈՒՅՑ

Սեպտեմբերի 11-12 Գյումրիում կայացավ 2-օրյա արտագնա աշխատանքային հանդիպում-քննարկում, որը կազմակերպել էր «Նոր Սերունդ» Մարդասիրական Հասարակական կազմակերպությունը «Հայաստանում ՄԻԱՎ-ին հակազդման համար քաղաքացիական հասարակության կառույցների աջակցություն և հզորացում» ծրագրի շրջանակներում: Հանդիպմանը մասնակցում էին ծրագրի ենթադրամաշնորհատու «Դրական Մարդկանց Հայկական Ցանց», «ԶԻԱՀ-ի Կանխարգելման Միավորում» և «Միացյալ Ուղի»



Բարեգործական հասարակական կազմակերպությունների ներկայացուցիչները: Հանդիպման ընթացքում վերը նշված կազմակերպությունների ներկայացուցիչները ներկայացրեցին **SUS**-ների, տրանսգենդեր անձանց, **ՄԻԱՎ**-ով ապրող մարդկանց, **ԹՆՕ**-ների և **ԿՍԿ**-ների շրջանում **ՄԻԱՎ**-ին առնչվող ծառայությունների/ապրանքների կարիքի, որակի և առաջնահերթությունների գնահատման վերաբերյալ զեկույցները: Ծրագրի փորձագետ Միհրան Սևումյանը ներկաների հետ քննարկեց ծրագրի ընթացքում վերհանված կարիքների և ծրագրի թիրախային խմբերի առաջնահերթությունների, նոր առաջարկվող ծառայությունների համադրության տարբերակները, ինչպես նաև անդրադարձավ **ՄԻԱՎ**-ին առնչվող առողջապահական ծառայությունների որակի և հասանելիության վերաբերյալ ստացված արդյունքները **ՄԻԱՎ/ԶԻԱՀ**-ին հակազդման ազգային ծրագրի հետ համեմատելու միջոցների մասին: Ծրագրի բյուջետավորման փորձագետ Ահարոն Բարսեղյանը ներկայացրեց բյուջետավորման մեթոդաբանությունը, ինչպես նաև համեմատեց ներկայացված 4 զեկույցների բյուջեն Հայաստանի **ՄԻԱՎ/ԶԻԱՀ**-ին հակազդման ազգային ծրագրի բյուջեի հետ: Ծրագրի ավարտին կներկայացվի ազգային զեկույց, որը կամբողջացնի **SUS**-ների, տրանսգենդեր անձանց, **ՄԻԱՎ**-ով ապրող մարդկանց, **ԹՆՕ**-ների և **ԿՍԿ**-ների շրջանում **ՄԻԱՎ**-ին առնչվող ծառայությունների/ապրանքների կարիքի, որակի և առաջնահերթությունների գնահատման արդյունքները, եզրկացությունները և առաջարկությունները: Հիմք ընդունելով այս զեկույցը՝ կվերանայվի **ՄԻԱՎ**-ին առնչվող ծառայությունների պետական բյուջետավորումը:

ՓՈՔԻ ԴՐԱՄԱՇՆՈՐՀ «ՔԱՆՐՖՈՒԼ ՀԱՈՒՄ» («ԳՈՒՅՆՉԳՈՒՅՆ ՏՆԱԿ») ՆԱԽԱՁԵՌՆՈՂ ԽՄԲԻՆ

«Նոր Սերունդ» Մարդասիրական ՀԿ-ն, իր նոր ռազամավարության շրջանակներում, շարունակում է աջակցել նորաստեղծ խմբերի և կառույցների հզորացմանը՝ ի նպաստ Հայաստանում LԳԲՏԻՔ+ համայնքի:

Այս անգամ փոքր դրամաշնորհը տրամադրվեց «Քայրֆուլ Հաուս» («Գույնզգույն Տնակ») նախաձեռնող խմբին, որը ուղղված է աջակցելու

խմբի իրավաբանական անձի կարգավիճակի ձեռքբերմանը, կարողությունների զարգացմանը և տեսանելիության բարձրացմանը: «Քայրֆուլ Հաուս»-ը («Գույնզգույն Տնակ») համայնքաի են նախաձեռնող խումբ է, որի նպատակն է նպաստել հասարակության կողմից առավել խտրականության ենթարկվող խմբերի ինտեգրմանը հասարակության մեջ:



ՓՄՄՆԱԿԻՆ ՀՈՄՍԵՆԻ #29 ՍԵՊՏԵՄԲԵՐ ԷՏՅ

ՌԱԶՄԱՎԱՐԱԿԱՆ ՏԵՂԵԿԱՏՎՈՒԹՅԱՆ ՏԱՐԵԿԱՆ ԱՇԽԱՏԱՆՔԱՅԻՆ ՀԱՆԴԻՊՈՒՄ

2017 թ.-ի սեպտեմբերի 18-ին «Նոր Սերունդ» Մարդասիրական ՀԿ-ի կողմից իրականացվող «Առողջության իրավունք» ծրագրի շրջանակներում կայացավ Ռազմավարական տեղեկատվության տարեկան աշխատանքային առաջին հանդիպումը, որին մասնակցում էին միջազգային, պետական և ոչ պետական կառույցների ներկայացուցիչներ:



Աշխատանքային հանդիպման ընթացքում ներկայացվեցին ECOM-ի և թիրախային երկրներում ECOM-ի ենթաստացող կազմակերպությունների կողմից իրականացվող «Առողջության իրավունք» ծրագրի շրջանակներում իրականացված բազային գնահատման արդյունքները և քննարկվեցին ռազմավարական տեղեկատվության որակի բարելավման առաջարկների հիմնական ցանկը և SUS ու տրանս* անձանց մասնակցությունը ռազմավարական տեղեկատվության ստացման և օգտագործման գործընթացում: Հանդիպման ֆասիլիտատորներն էին “Tanadgoma” ռեպրոդուկտիվ առողջության տեղեկատվական և խորհրդատվական կենտրոնի ծրագրերի ղեկավար Սերգո Զիլյաձեն և Տղամարդկանց Առողջության Եվրասիական Կոալիցիայի (ECOM) մոնիթորինգի և գնահատման համակարգող Մաքսիմ Կասյանջուկը:



ՀՉՈՐԱՑԱԾ ԲՀԿ-ՆԵՐ՝ ՀԱՆՈՒՆ ԼԳՔՏԻ ԱՆՁԱՆՑ ՆԿԱՏՄԱՍԲ ԽԱՐԱՆԻ ԵՎ ԽՏՐԱԿԱՆՈՒԹՅԱՆ ՎԵՐԱՑՄԱՆ

2017թ.-ի սեպտեմբերի 15-ից 18-ը Շիրակի մարզի Գյումրի քաղաքում տեղի ունեցավ «ԲՀԿ-ների հզորացում հանուն ԼԳՔՏԻ անձանց հանդեպ խարանի և խտրականության նվազեցման» դասընթացը, որը կազմակերպվել էր «Նոր Սերունդ» մարդասիրական ՀԿ-ի կողմից՝ «ԲՀԿ-ներն ու ՉԼՄ-ներն առաջնագծում Հայաստանում ԼԳՔՏԻ անձանց հանդեպ խտրականության վերացման նպատակով» ծրագրի շրջանակներում:



Դասընթացի ընթացքում ներկայացվեցին հետևյալ թեմաները՝ «Մարդու իրավունքներ. տեղական և միջազգային օրենսդրություն և կոնվենցիաներ», «Խոսքի ազատություն և աստվության խոսք», «Խարան և խտրականություն», «Խոշտանգում»: Ներկայացված թեմաները ներառում էին և տեսական, և գործնական աշխատանքներ, տեսահոլովակների դիտում, իրավիճակային խնդիրների քննարկումներ, խմբային աշխատանքներ, դերախաղեր, աշխույժ քննարկումներ և բազմաթիվ այլ հետաքրքիր և ուսուցողական աշխատանքներ:

Ընդհանուր առմամբ դասընթացն անցավ հազեցած, ակտիվ և աշխույժ մթնոլորտում: Մասնակիցները մեծ հետաքրքրությամբ մասնակցեցին բոլոր աշխատանքներին ու քննարկումներին: Ավարտին բոլոր մասնակիցներին շնորհվեցին մասնակցության վկայականներ:

Դասընթացն իրականացվել է «ԲՀԿ-ներն ու ՉԼՄ-ներն առաջնագծում Հայաստանում ԼԳՔՏԻ անձանց հանդեպ խտրականության վերացման նպատակով» ծրագրի շրջանակներում Հայաստանում Չեխիայի Հանրապետության դեսպանատան, Անցումային Առաջխաղացման ծրագրի ֆինանսական աջակցությամբ:



2017թ.-ի սեպտեմբերի 12-20-ը, Լեհաստանի Գդանսկ քաղաքում «Նոր Սերունդ» մարդասիրական ՀԿի ներկայացուցիչները մասնակցեցին Erasmus+ ծրագրի շրջանակներում իրականացվող «Ճանապարհորդություն դեպի ըմբռնում և ընդունում» հակախտրականության դասընթացին:

Դասընթացի նպատակն էր ոչ-ֆորմալ կրթական մեթոդներով նախապատրաստել դասընթացավարների նոյեմբերին կայանալիք երիտասարդական փոխանականակման համար: Դասընթացը հազեցած էր տեղեկատվությամբ, արդյունավետ և հետաքրքիր աշխատանքով, լեցուն էր էներգիայով և մեծ տպավորություններով: Բացի շենքի ներսում իրականացվող կրթական, միևնույն ժամանակ զվարճալի ու հետաքրքիր աշխատանքներից, դասընթացը ներառում էր նաև բացօթյա հետաքրքրաշարժ և ուսուցողական գործողություններ, ինչպիսիք են առազաստանավով նավարկության թիմային աշխատանքը, ուսուցողական զբոսանքը քաղաքով և հանդիպումները հասարակության խոցելի խմբերի՝ LQFSHԹ+ անձանց և համայնքների, հաշմանդամություն ունեցող անձանց, ԹՆՕ-ների, միգրանտների և փախստականների և այլ խոցելի խմբերի հիմնախնդիրներով զբաղվող կազմակերպությունների՝ «Տոլերադո» ՀԿի, «Սուպոտ ինտեգրման և աջակցության կենտրոն»-ի, «Իմիգրանտների խորհուրդ»-ի հետ: Հանդիպումների ժամանակ մասնակիցներին ներկայացվեցին տվյալ կազմակերպությունների գործունեությունն ու աշխատանքը՝ ուղղված խոցելի խմբերի խնդիրների և կարիքների բացահայտմանը և լուծմանը: Սա շատ օգտակար հնարավորություն էր մասնակիցների համար՝ տեսնելու և մտածելու, թե այդ գործողություններից որոնք արդյունավետ ու կիրառելի կլինեն իրենց երկրներում: Ընդհանուր առմամբ, դասընթացն ուսուցողական էր, ակտիվ և հազեցած օգտակար տեղեկատվությամբ՝ զինելով մասնակիցներին անհրաժեշտ գիտելիքներով ու հմտություններով գալիք երիտասարդական փոխանակումը վարելու համար:

ԺԱՄԱՆԱԿԻՆ ՀԱՍՏՔԱՅԼ #29 ՍԵՆՏԵՄԲԵՐ ԷԶ 5

ՆԱԽԱՐԱՐՈՒԹՅՈՒՆՆԵՐԻ ՆԵՐԿԱՅԱՑՈՒՑԻՉՆԵՐԸ ԻՐԱԶԵԿ ԵՆ՝ ՀԱՆՈՒՆ ԽՏՐԱԿԱՆՈՒԹՅԱՆ ԱՐԳԵԼՔԻ ԵՎ ԺՈՂՈՎՐԴԱԿԱՐ ՀԱՍԱՐԱԿՈՒԹՅԱՆ

«Նոր Սերունդ» Մարդասիրական ՀԿ-ն Գյումրի քաղաքում 2017 թ.-ի սեպտեմբերի 26-28-ը իրականացրել է «խտրականության արգելք՝ հանուն ժողովրդավար հասարակության» թեմայով դասընթացը, որին մասնակցել են ՀՀ Առողջապահության, Մշակույթի, Տարածքային կառավարման և զարգացման, Կրթության, Սպորտի և երիտասարդության հարցերի նախարարությունների ներկայացուցիչները:




Դասընթացի նպատակն է բարձրացնել մասնակիցների զգայունությունը ԼԳՏԻ խնդիրների նկատմամբ՝ ԼԳՏԻ անձանց մարդու իրավունքների խախտումների և պաշտպանության մեխանիզմների, նրանց նկատմամբ կիրառվող խտրականության և ատելության խոսքի դրսևորումների կանխարգելման մասին:

Դասընթացի առաջին օրը իրավական հարցերով փորձագետ Հասմիկ Հարությունյանը մարդու իրավունքների հասկացությունը, ծագումը, սերունդները մարդու իրավունքների պաշտպանության տեղական և միջազգային կառույցները և կազմակերպությունները ներկայացնելուց հետո հանգամանորեն խոսել է Հայաստանում ԼԳՏ անձանց իրավունքների իրավիճակի, ԼԳՏ անձանց առնչվող իրավական փաստաթղթերի և Հայաստանի ստանձնած պարտավորությունների, ԼԳՏ անձանց իրավունքների խախտումների իրավական կարգավորումների մասին:

«խոսքի ազատություն, ատելության խոսք» թեմայի շրջանակում «Նոր Սերունդ» Մարդասիրական ՀԿ-ի իրավաբան Անահիտ Մկրտչյանը դասընթացի երկրորդ օրը ներկայացրել է «խոսքի ազատություն», «Ոչ նյութական բարիքների հասկացությունը» և «Վիրավորանք, զրպարտություն, ատելության խոսք» թեմաները: Այնուհետև անդրադարձել է ատելության խոսքի քրեաիրավական հետևանքներին, պատվին, արժանապատվությանը կամ գործարար համբավին պատճառված վնասի հատուցման կարգին և և պայմաններին:


Երրորդ օրը մասնակիցները խտրականության հարցերով փորձագետ Անահիտ Զիլինգարյանի հետ հավասարության և խտրականության տեսությունը տեսությունը քննարկելուց հետո անդրադարձել են խտրականության համընդհանուր արգելին և խտրականության տեսակներին, խտրականության արգելքով պաշտպանված հիմքերին և խտրականության արգելքի վերաբերյալ միջազգային ու ներպետական իրավակարգավորումներին:

Դասընթացը հազեցած էր գործնական խաղերով և քննարկումներով, թեմատիկ նյութերի դիտումով և քննարկումով:



2017 թ.-ի սեպտեմբերի 8-ին տեղի ունեցավ երկար սպասված Տրանս* խոհանոցը: Նախաձեռնության նպատակն էր այցելել Տրանս* անձանց բնակարաններ, իմանալ աղաներ պատրաստելու նոր բաղադրատոմսեր և միասին պատրաստել մի հետաքրքիր աղան, որը որոշեցինք անվանել «Կուկա»:

Ընթացքում նաև զրուցել ենք համայնքի կարիքների ու խնդիրների մասին: Նաև քննարկել ենք, թե որոնք են այն միջոցառումներն ու հանդիպումները, որոնք կմոտիվացնեն Տրանս* համայնքին և կխթանեն նրանց ակտիվ մասնակցությունը քաղաքացիական տարբեր նախաձեռնություններին:



Տրանս* խոհանոցի հանդիպումները լինելու են շարունակական: